



88

CANTIC

Santes **PHILOMEN**,

GUERC'HES HA MERZERES,

Peini so enoret e ilis LANDEVENEC,

TOST D'AR FAOU,

LAQUET E BREZONEC

CANT

J.-P.-M. LE SCOUR.

Var ton hymn ar Verc'hes : *Quàm pulchrè graditur.*

GLOAR ha meuleudi deoc'h-hu, ô va Jesus!
Da veza roët d'or bro en e affliction
Ur prezant quer precius,
Un æl a gonsolation.

O Santes **PHILOMEN**! en un oad c'hoas quen dister
Ec'h estonit ar bed dre'r c'haëra vertuziou!
Grit d'omp oll betec melver
Querzët bepret var ho roudou.

Ar brinces yaouanc-ma a voa merc'h da ur Roue;
Abred e reas veu da chom bepret Goerc'hes
Ha d'en em rei da Zoue
Evit ar rest eus e buez.

Philomen ne doa quiet a veac'h trizec vloas fournis,
Na rancas bizita palès Diocletien,
Pini, impalaër cris,
A bersecute ar Gristenien.

Charmet deus e guenet, an Impalaer payen
A broposas dezi e c'hemer da bried;
Nan, nan, eme PHILOMEN,
Da Jesus on en em voestet.

An tyrant estonet o clevet eur seurt refus,
E courrouçz, e fulor a chench e garantès;
Da bep seurt tourmant scrijus
E condaon ractal ar brinces.

Var ar plaç ec'h ordren e zeuleur en eur prison:
Bourrevien dinatur e zourmant nos ha de,
Mes, en he affliction,
Gant ar Verc'hes e consolet.

Lacat a ra staga un òor oüs e gouzoug,
Ac e zeuleur er mor evit beza beuzet,
Mes eb an distera droug
Gant un AEL e ze delivret.

Rusia a rer en tan, birou evit e zreuzi,
Mes, dre permission an Doue souverèn,
Elec'h treuzi ar Santez,
E teuent da squei ar vourrevien.

Erfin er c'hondaoner evit beza dibennet;
Joayus e scuil he goad evit lezen Doue:
He ene gant an AËlet
Zo douguet triumphant en êen!

Enor deoc'h, PHILOMEN, ô merzeres gloriüs!
Curunet a c'hloar e barados Doue:
Obtenit digant Jesus
Ma er c'harimp ed hor buë.

Princes eus a bales an Autrou souveren,
Rosen gaër ha brillant dre ho virginite,
Enep hon adversourien
Preservit hor c'horf, hon ene.

Evit souten ho fei dirac un tyrant cruel,
D'an oad a drizec vloas oc'h eus roet ho pue;
Ni ive, quentoc'h mervel
Eguet offanci hon Doue!

Bugale, tud yaouanq, c'houi oll gristenien fervant,
Imitit PHILOMEN bemdez ed ho pue:
Eurus ar buguel yaouanq
Eveldi a servich Doue!

He miraclou zo bras, ho niver zo infinit;
Partout gant meuleudi e comzer anezo;
Bezomp-ta recours dezi,
Graçou bras deomp a obteno.

E peb lec'h, e peb bro, he relegou galloudec
Evel un tensor caër gant prez zo recevet;
Brema e Landevenec
Ho mirer ive gant respect.

Gât Arc'hescop Paris e zoant bet approuvet,
 Dre urs escop Quimper, var un auter neve
 E zint bremâ exposet
 Evit brassa gloar Doue.

Dar sul varlerc'h gouel Maria anter-eost,
 Gant solanite bras e ve gret ar pardon,
 Ac ar gristenien devot
 A zeu d'e fidi a galon.

Hastomp-ta, va brois, hastomp oll d'e bisita,
 A dreist-oll, tud a vor, hi eo ho Patronès,
 Ur Batronès ar vella:
 Deomp oll d'e fidi assambles.

FIN.

Beza e zeus c'hoas e ilis Landevenec, hospeni relegou S^{tes} PHILOMEN, cals a relegou-all ac ispecial relegou Sant GUENOLE, fondatour ha kenta Abad a gouen Landevenec; relegou Sant CAOURINTIN, Patron Escopti Kerne; relegou Sant PER ha Sant PAUL; Sant SEBASTIEN; Sant STEPHAN, Sant POL-A-LÉON, Sant MARC; Sant GUINAL; Sant BERNARD, Sant MALO, Sant SDUNET; etc., ac un niver bras a re-all. An tensor caër ha precius-ze a viret goech-all gant cals a respect e couent Landevenec: saveteet e zint bet dre c'hraç Doue, eb an distera droug, epad an amzer trist ac horrubl eus ar revolution. An Autrou Escop a Guemper, goude beza o bizitet ac o examinet, a ordrenas, d'an 28 a vis guengolo, er bloavez 1837, o exposi a neve da veneration ar Gristenien; ha brema e vent douguet bep bloas ac enoret gant un devotion ac ur respect ar vrassa, da zeves pardon Santes PHILOMEN, d'ar zul varlerc'h gouel Maria anter-eost.

E Montroulez, et ty V^{or} GUILMER, Imprimer ha Librer.
 (Guech-all plaç ar Pesquet, breman ru a Aiguillon.)